



Na osnovu člana 119. Zakona o prostornom uređenju («Sl. novine Kantona Sarajevo» br. 24/17) Načelnik Općine Ilijaš objavljuje

## JAVNI POZIV

### STRUČNIM LICIMA ZA UČEŠĆE U RADU KOMISIJA ZA OBAVLJANJE TEHNIČKIH PREGLEDA IZGRAĐENIH GRAĐEVINA NA PODRUČJU OPĆINE ILIJAŠ

Pozivaju se zainteresovana lica za dostavljanje prijava za izbor kvalifikovanih stručnjaka za obavljanje tehničkih pregleda građevina na području Općine Ilijaš.

Učešće u radu komisija mogu ostvariti lica slijedećih zanimanja:

- diplomirani inženjeri arhitekture,
- diplomirani inženjeri građevinarstva (konstruktivni, hidro smjer),
- diplomirani inženjeri elektrotehnike,
- diplomirani inženjeri mašinstva,
- diplomirani inženjeri saobraćaja,
- diplomirani inženjeri tehnologije (hemijski smjer, smjer zaštite na radu, protivpožarne zaštite i zaštite životne okoline),
- diplomirani inženjeri geodezije,
- diplomirani inženjeri geologije,
- diplomirani sanitarni inženjeri.

Pored uslova iz predhodnog stava učesnici moraju ispunjavati slijedeće uslove:

- radno iskustvo u trajanju od najmanje 5 (pet) godina u struci,
- položen stručni ispit.

Uz prijavu na javni poziv učesnici su dužni priložiti slijedeću dokumentaciju:

- ovjerenu fotokopiju diplome,
- ovjerenu fotokopiju uvjerenja o položenom stručnom ispitu,
- uvjerenje o radnom iskustvu u struci.

Prijave sa potrebnom dokumentacijom podnose se Općini Ilijaš, stručnoj komisiji za provođenje javnog poziva, ul.126.Ilijaške brigade br.6. 71380 Ilijaš, predajom na protokol Općine ili putem pošte na datu adresu. Zainteresovana lica, koja se nalaze na važećem spisku, dužne su uz prijavu dostaviti dokumente u kojima su se promijenili podaci u odnosu na dokumentaciju dostavljenu po predhodnom pozivu, koja se nalazi kod Službe za prostorno uređenje i zaštitu okoliša.

Rok za podnošenje prijava je 15 (petnaest) dana od dana objavljivanja poziva.

Po proteku roka podnošenja prijava, stručna komisija vrši provjeru ispunjavanja uslova iz javnog poziva i sastavlja listu kvalifikovanih stručnjaka za učešće u radu komisija za vršenje tehničkih pregleda građevina, koji će se angažovati u skladu sa članom 119. Zakona o prostornom uređenju («Sl. novine Kantona Sarajevo» br. 24/17).

Sve prijave od strane stručnih lica će biti odbačene, ukoliko stručno lice, koje je bilo angažovano u komisiji za tehnički pregled građevina na području Općine Ilijaš u 2016 i 2017 godini, nije dostavilo izvještaj u zakonom predviđenom roku.

Stručna lica koja ispunjavaju uslove i budu na listi kvalifikovanih stručnjaka za period 2018 i 2019 godine, će biti skinuti sa liste ukoliko po angažovanju u komisije ne dostave izvještaj u zakonom utvrđenom roku ili bez opravdanog razloga, koji mora biti pismeno obrazložen, odbiju da učestvuju u komisiji.

Sve informacije u vezi javnog poziva mogu se dobiti u Službi za prostorno uređenje i zaštitu okoliša Općine Ilijaš, tel. 033/580-661 i 580-664 od 08 do 16 h.

OPĆINSKI NAČELNIK

Akif Fazlić, dipl. ecc.

